



# Kattatrygging

Skilmáli nr. ED13

Tryggjandi er VÍS tryggingar hf., kt. 670112-0470, hér eftir nefnt „VÍS“.

## Um trygginguna gildir:

- Skírteinið ásamt áritunum og sérskilmálum.
- Skilmáli þessi nr. ED13
- Almennur skilmáli VÍS nr. YY10.
- Lög um váttryggingarsamninga nr. 30/2004.

Skírteini og endurnýjunarkvittun ganga framar skilmálum. Skírteini, endurnýjunarkvittun og skilmálar ganga framar frávikjanlegum lagaákvæðum.

Kattatrygging er fjárhagsleg vernd fyrir kattaeigendur og kemur í veg fyrir að þú lendir í ófyrirséðum kostnaði samhliða því að hafa áhyggjur af velferð kattarins.

Skilmáli segir til um hvaða réttindi og skyldur þú og VÍS hafið.  
Skírteini staðfestir að þú hafir keypt tryggingu hjá VÍS. Skírteinið er aðgengilegt með því að skrá sig inn á vis.is.

## Efnisyfirlit

- I. Almennir skilmálar
- II. Sjúkrakostnaðartrygging
- III. Líftrygging
- IV. Afnotamissistrygging (eingöngu hægt að kaupa sem viðbót við líftryggingu)
- V. Umönnunartrygging
- VI. Ábyrgðartrygging

Tryggingin skiptist í sex kafla. Auk almenna skilmálans kemur fram í skírteini eða endurnýjunarkvittun hvaða tryggingar eru í gildi fyrir þinn kött.

## I. Almennir skilmálar

### 1. Hvað er tryggt?

1.1 Tryggingin tekur til þess kattar sem tilgreindur er í skírteini eða endurnýjunarkvittun.

### 2. Hver er tryggður?

2.1 Eigandi kattarins er tryggður.

2.2 Veðhafar og aðrir þeir sem eiga fjárhagslega hagsmuni í hinu tryggða eru ekki meðváttryggðir<sup>1</sup>, nema þeir hafi fengið staðfestingu þess efnis frá VÍS, en þá öðlast þeir aldrei meiri rétt gagnvart VÍS en hinn tryggði.

### 3. Hvar gildir tryggingin?

3.1 Tryggingin gildir á Íslandi.

3.2 Fyrir innfluttan kött tekur tryggingin gildi eftir dvöl hans í einangrunarstöð eða sambærilegri stofnun, nema annað komi fram á skírteini eða endurnýjunarkvittun.

### 4. Sérstakar takmarkanir á bótaskyldu

4.1 Tryggingin bætir ekki tjón eða aukningu á tjóni sem beint eða óbeint hlýst af eða er af völdum:

- a) Jarðskjálfta, eldgoss, skriðufalls, snjóflóðs eða annarra náttúruhamfara.
- b) Styrjaldar, innrásar, hernaðaraðgerða, borgarrósta, uppreisnar, uppþots, verkfalls eða svipaðra aðgerða.
- c) Kjarnabreytingar, jónandi geislunar, mengunar af geislavirkum efnum, kjarnaeldsneytis eða kjarnaúrgangsefnis.

<sup>1</sup> Sbr. ákvæði um meðváttryggða í 41.-43. gr. laga um váttryggingarsamninga nr. 30/2004.



## 5. Varúðarreglur

- 5.1 Umhirða kattarins, vistarverur og fóðrun, skal vera í samræmi við ákvæði laga um dýravernd nr. 15/1994 með síðari breytingum, svo og öðrum lögum og reglugerðum sem við eiga.
- 5.2 Kötturinn skal bólusetur fyrir þeim sjúkdómum og sýkingum sem dýralæknar ráðleggja. Einnig skal farið eftir öðrum ráðleggingum dýralækna varðandi heilsu kattarins. Farið skal eftir þeim heilbrigðiskröfum sem eru skilyrtar í leyfum vegna kattahalds.
- 5.3 Ef feldur kattarins krefst sérstakrar meðferðar, loftslags, rakastigs eða hann hefur aðrar sérstakar þarfir eða þolir ekki venjulega umhirðu, skal tryggingartaki bera ábyrgð á að þess sé gætt.
- 5.4 Tryggingartaki verður að hafa samband við dýralækni eins fljótt og auðið er, ef kötturinn sýnir merki um lasleika eða þyngdartap. Einnig þarf að hafa tafarlaust samband við dýralækni hraki heilsu kattarins meðan á meðferð stendur. Fylgja skal fyrirmælum dýralæknis skilyrðislaust á meðan kötturinn er í meðferð hjá honum vegna sjúkdóms eða slyss.
- 5.5 Tryggingartaki skal halda utan um allar heimsóknir kattarins til dýralæknis.
- 5.6 Sé ferðast með köttinn í farartæki skal hann vera í þar til gerðu búri sem er tryggilega fest niður í farartækinu.

## 6. Brot á varúðarreglum

- 6.1 Skyld er að fara eftir varúðarreglum í skilmálum þessum. Sé varúðarreglum ekki fylgt getur ábyrgð VÍS fallið niður í heild eða að hluta.<sup>2</sup>

## 7. Háttsemi annarra

- 7.1 VÍS er heimilt að bera fyrir sig háttsemi manns sem með samþykki hins tryggða er ábyrgur fyrir hinum tryggða ketti.
- 7.2 Í atvinnurekstri getur VÍS borið fyrir sig háttsemi stjórnenda hins tryggða og umsjónarmanni hins tryggða kattar.

## 8. Greiðsla

- 8.1 Krafa um greiðslu fyrir trygginguna fellur í gjalddaga þegar VÍS gefur út reikning.
- 8.2 Vanskil geta valdið réttindamissi og niðurfellingu tryggingarsamnings.<sup>3</sup>

## 9. Endurgreiðsla og lok tryggingar

- 9.1 Falli trygging úr gildi áður en tryggingartímabili lýkur fær tryggingartaki endurgreiðslu í hlutfalli við þann tíma sem greitt hefur verið fyrir og tryggingin er ekki í gildi.
- 9.2 Þetta gildir þó ekki ef tryggingarsamningur hefur fallið úr gildi vegna þess að VÍS hefur fullnægt skyldum sínum með því að greiða bætur fyrir algert tjón.
- 9.3 Ef tjón er bætt úr líftryggingu eða afnotamissistryggingu falla allar tryggingar kattarins í kattatryggingu niður frá tjónsdegi.
  - 9.3.1 Ef kötturinn lifir gilda ábyrgðartryggingin og umönnunartryggingin þó áfram, ef þær voru til staðar þegar tjónið varð.
  - 9.3.2 Ef kötturinn lifir gildir sjúkrakostnaðartrygging þó áfram vegna annarra sjúkdóma og/eða slysa en þeirra sem leiddu til bóta úr afnotamissistryggingu kattarins.

## 10. Eigendaskipti

- 10.1 Ef eigendaskipti verða að hinum tryggða ketti fellur tryggingin úr gildi þegar eigendaskipti hafa átt sér stað. VÍS er þrátt fyrir þetta ábyrgt ef tryggingaratburður verður innan 14 daga frá eigendaskiptum ef hinn nýi eigandi hefur ekki sjálfur tekið tryggingu.

## 11. Slys

- 11.1 Með orðinu slys er átt við skyndilegan utanaðkomandi atburð, eða verknað kattarins sjálfs, sem veldur meiðslum á kettinum og gerist án vilja þess sem annast hann.

## 12. Sjúkdómur

- 12.1 Með orðinu sjúkdómur er átt við að kötturinn veikist af þekktum og skilgreindum sjúkdómi.

## 13. Lækniskostnaður

<sup>2</sup> Sbr. 26. gr. laga um vátryggingarsamninga nr. 30/2004.

<sup>3</sup> Sbr. 33. gr. laga um vátryggingarsamninga nr. 30/2004.



- 13.1 Með orðinu læknskostaður er átt við greiðslur til dýralæknis, dýralæknastofu eða dýraspítala á Íslandi vegna skoðunar eða meðferðar vegna sjúkdóms og slyss. Enn fremur lyfja sem sömu aðilar afhenda eða ávísu vegna sjúkdóma og slysa.
- 13.2 Ferða- og flutningskostnaður vegna meðferðar og skoðunar telst ekki vera læknskostaður.
- 13.3 Kostnaður vegna sjúkrahjálfunar og endurhæfingar telst ekki vera læknskostaður.
- 13.4 Fóður, fæðubótarefni, heilsu- og hreinlætisvörur og aðrar sambærilegar vörur teljast ekki vera læknskostaður.

## 14. Læknismeðferð

- 14.1 Skoðun og meðferð skal vera framkvæmd af dýralækni með starfsleyfi á Íslandi og í samræmi við reynslu, sérfræðipækkingu og viðurkenndar aðferðir á sviði dýralækninga.

## 15. Tvítrygging

- 15.1 Ef sama tjón fellur undir fleiri en eina tryggingu getur tryggður valið hvaða tryggingu hann vill nota þar til hann hefur fengið þær bætur sem hann á kröfu til.
- 15.2 Ef fleiri en eitt tryggingarfélag bera ábyrgð á tjóni samkvæmt gr. 15.1 skulu þau, sé ekki um annað samið, greiða bætur hlutfallslega eftir ábyrgð hvers þeirra um sig á tjóninu.

## 16. Umferðaróhapp

- 16.1 Ef ekið er á köttinn verður að skila inn upplýsingum um hvaða ökutæki átti í hlut. Ef það er ekki vitað skal tilkynna lögreglu um að ekið hafi verið á köttinn og skila lögregluskýrslu til VÍS.

## 17. Upplýsingaöflun

- 17.1 Við uppgjör tjóns og ákvörðun bótaskyldu er VÍS heimilt að afla upplýsinga hjá dýralæknum um fyrri sjúkrasögu og heilsufar kattarins og annað sem skipt getur máli við uppgjör tjónsins.

## 18. Fyrning

- 18.1 Vegna ábyrgðartryggingar fyrnist ábyrgð VÍS samkvæmt reglum um fyrningu skaðabótaábyrgðar.<sup>4</sup>
- 18.2 Vegna annarra trygginga fyrnist krafa um bætur á 4 árum. Fresturinn hefst við lok þess almanaksárs er tryggður fékk nauðsynlegar upplýsingar um þau atvik sem eru grundvöllur kröfu hans. Krafan fyrnist þó í síðasta lagi á 10 árum frá lokum þess almanaksárs er atburður varð.

## II. Sjúkrakostnaðartrygging

### 1. Hvað bætir tryggingin?

- 1.1 Tryggingin bætir læknskostað vegna:
  - a) Skoðunar og meðferðar kattarins vegna sjúkdóms eða slyss.
  - b) Keisaraskurðar sem talinn er læknisfræðilega nauðsynlegur að álitu dýralæknis, þó greiðir VÍS aldrei meira en tvo keisaraskurði vegna hvernar læðu meðan hún lifir.
  - c) Geldingar eða ófrjósemisaðgerðar sem framkvæma þarf af læknisfræðilegum ástæðum vegna eftirfarandi sjúkdóma: sykursýki (diabetes mellitus), legbólgu (metritis) og meiðsla vegna gots.
  - d) Lýtalækninga sem taldar eru læknisfræðilega nauðsynlegar að mati dýralæknis.
- 1.2 Tryggingin bætir ekki læknskostað vegna:
  - a) Sjúkdóms eða slyss sem áttu sér upphaf fyrir þann tíma sem tryggingin tók gildi, hvort sem greining hafði átt sér stað eða ekki. Ákvörðun um upphaf sjúkdóms eða meiðsla grundvallast á álitu dýralæknis. VÍS áskilur sér rétt til að leita sérfræðilíts dýralæknis.
  - b) Geldingar eða ófrjósemisaðgerðar vegna annarra orsaka en getið er í gr. 1.1.3 í þessum kafla.
  - c) Naflakviðslits (umbilical hernia), launeista (cryptorchidism) og hnykks í skotti (crooked tail).
  - d) Fyrirbyggjandi aðgerða og reglulegra skoðana.
  - e) Skoðunar og meðferðar sem ekki er læknisfræðilega nauðsynleg og/eða réttlætanagerð.

Sjúkrakostnaðartryggingin tryggir þér bætur fyrir útlögðum læknskostaði ef kötturinn þinn greinist með sjúkdóm eða verður fyrir slysi.

<sup>4</sup> sbr. 2. mgr. 52. gr. laga um váttryggingarsamninga nr. 30/2004.



- f) Aukakvilla sjúkdóms og slyss sem ekki eru bótaskyld úr tryggingunni, né heldur aukakvilla vegna meðferðar á þeim.
- g) Geðsjúkdóma, atferlisbrests eða skapgerðargalla.
- h) Sjúkdóma í tannholdi, tannhirðu, tannviðgerða eða galla í tönnum eða biti. Tryggingin bætir þó meðhöndlun á tönnum sem brotna vegna slyss.
- i) Segulómskoðunar (Magnetic Resonance Imaging, MRI) eða sneiðmyndatöku (Computer Tomography, CT).
- j) Sýnatöku og rannsókna til þess að ákvarða mótefni eða styrk mótéfna.
- k) Prófana á því hvort kattahópur er með hvítblæði (leukosis), smitandi lífhimnubólgu (Feline Infectious Peritonitis, FIP) eða hringorma (ring worm).
- l) Smitandi lífhimnubólgu (FIP) í ketti, sem tilheyrir kattahópi, og var tryggður eftir að smitandi lífhimnubólga (FIP) fannst í hópnum, þar til VÍS ákveður annað.
- m) Smitandi lífhimnubólgu (FIP) í ketti sem hefur verið tryggður hjá VÍS skemur en eitt ár.
- n) Kattafárs (feline parvovirus infection) nema kötturinn hafi verið bólusetur á síðustu 12 mánuðum áður en sýkingin hófst.

## 1.3 VÍS greiðir ekki:

- a) Álag á læknskostnað vegna þess að leita þurfti til dýralæknis utan dagvinnutíma, nema brýna nauðsyn hafi borið til.
- b) Kostnað vegna lyfseðla, reikningsgerðar, vottorða eða sjúkraskýrslugerðar.

**2. Hversu mikið er greitt úr tryggingunni?**

- 2.1 Fjárhæð bóta kemur fram á skírteini og endurnýjunarkvittun. Fjárhæðin er hámarksbætur í hverju tjóni og jafnframt hámarksbætur á hverju tryggingartímabili.
- 2.2 Þegar talað er um hámarksbætur er átt við bætur, þegar búið er að draga eigin áhættu frá.
- 2.3 Fjárhæð bóta breytist samkvæmt vísitölu neysliverðs við endurnýjun.

Fyrir hvern tiltekinn sjúkdóm eða slys eru ekki greiddar hærra bætur en upphæðin sem kemur fram á skírteini eða endurnýjunarkvittun.

**3. Aldurstakmörk**

- 3.1 Við upphaf tryggingarinnar skal köttur ekki vera yngri en 8 vikna eða eldri en 5 ára.
- 3.2 Við endurnýjun á því almanaksári sem kötturinn nær 7 ára aldri lækka hámarksbætur um 20%, og síðan árlega um 20% af hámarksbótum hverju sinni við endurnýjun eftir það. Tryggingin fellur síðan niður og endurnýjast ekki þegar kötturinn hefur náð 10 ára aldri.

Hægt er að kaupa tryggingu þegar kötturinn er orðinn 8 vikna og þar til hann verður 5 ára og gildir tryggingin þar til kötturinn hefur náð 10 ára aldri.

**4. Eigin áhætta**

- 4.1 Hvert tímabil eigin áhættu er 100 dagar. Á hverju tímabili greiðir tryggingartaki einu sinni fasta fjárhæð í eigin áhættu sem er tilgreind á skírteini og endurnýjunarkvittun og síðan 10% af læknskostnaði á tímabilinu umfram hana.
- 4.2 Upphaf tímabils miðast við þá dagsetningu er fyrst er leitað til dýralæknis vegna tjóns sem telst bótaskyld úr tryggingunni. Tímabilinu lýkur 100 dögum síðar.
- 4.3 Næsta tímabil eigin áhættu hefst síðan við næstu heimsókn til dýralæknis vegna bótaskylds tjóns.
- 4.4 Fjárhæð eigin áhættu breytist samkvæmt vísitölu neysliverðs.

Eigin áhætta er 10% af kostnaði, auk fastrar upphæðar á hverju 100 daga tímabili.

**5. Bótakrafa**

- 5.1 Með bótakröfu skal skila nákvæmri sundurliðun á kostnaði við meðferð og skoðun. Þar skal einnig koma skýrt fram vegna hvaða kattar kostnaðurinn er, með því að láta fylgja upplýsingar um tegund kattarins og einstaklingsmerkingu, svo sem örmerki eða húðflúrnumur auk annarra einkenna kattarins.

Það flýtir fyrir afgreiðslu málsins ef bótakrafan er skýr og skilmerkileg í upphafi, t.d. með sundurliðun kostnaðar ef um fleiri en einn sjúkdóm/slys er að ræða.

**III. Líftrygging****1. Hvað bætir tryggingin?**

- 1.1 VÍS greiðir bætur ef:
  - a) Kötturinn deyr af völdum sjúkdóms eða slyss.
  - b) Kötturinn er svo sjúkur eða slasaður að aflífun er ráðlögð samkvæmt álitum dýralæknis, þar sem lækni meðferð bryti í bága við dýraverndunarsjónarmið.
- 1.2 VÍS greiðir ekki bætur ef kötturinn deyr eða þarf að aflífa hann vegna:
  - a) Sjúkdóms eða slyss sem áttu sér upphaf fyrir þann tíma sem tryggingin tók gildi, hvort sem greining hafði átt sér stað eða ekki. Ákvörðun um upphaf sjúkdóms eða meiðsla grundvallast á álitum



- b) dýralæknis. VÍS áskilur sér rétt til að leita sérfræðiálits dýralæknis.
  - c) Geðsjúkdóms, atferlisbrests eða skapgerðargalla.
  - d) Aukakvilla sjúkdóms og slyss sem ekki eru bótaskyld úr tryggingunni, né heldur aukakvilla vegna meðferðar á þeim.
  - e) Krónískra smitsjúkdóma sem ekki sýna einkenni hjá kettinum sjálfum þ.e. kettir sem eru einkennalausir smitberar.
  - f) Smitandi lífhimnubólgu (FIP) í ketti sem tilheyrir kattahópi sem var tryggður eftir að smitandi lífhimnubólga (FIP) fannst í hópnum, þar til VÍS ákveður annað.
  - g) Smitandi lífhimnubólgu (FIP) í ketti sem hefur verið tryggður hjá VÍS skemur en eitt ár.
  - h) Arfgengs fjölblöðrunýra (autosomal dominant Polycystic Kidney Disease, PKD) hjá persneskum og exotic köttum nema foreldrar hafi sannanlega verið lausir við PKD.
  - i) Kattafárs (feline parvovirus infection) nema kötturinn hafi verið bólusettur á síðustu 12 mánuðum áður en sýkingin hófst.
  - j) Fyrirmæla opinberra yfirvalda eða annarra sambærilegra ráðstafana um að aflífa þurfi köttinn.
- 1.3 VÍS getur farið fram á krufningu telji félagið að það sé nauðsynlegt til að skera úr um bótaskyldu eða orsök dauða kattarins. Í slíkum tilfellum greiðir VÍS krufninguna.

## 2. Hversu mikið er greitt úr tryggingunni?

- 2.1 Fjárhæð bóta sem valin er vegna kattarins skal vera jafnhá markaðsvirði hans og er ákveðin með hliðsjón af kaupverði og viðurkenndum verðleikum. Hámarksfjárhæð bóta kemur fram á skírteini og endurnýjunarkvittun.
- 2.2 Fjárhæð bóta er ekki sönnun fyrir verðmæti kattarins.

## 3. Hvernig eru bætur ákvarðaðar?

- 3.1 Bætur skulu miðaðar við markaðsvirði kattarins á tjónsdegi, en geta þó aldrei orðið hærri en sú fjárhæð bóta sem fram kemur á skírteini eða endurnýjunarkvittun.
- 3.2 Aldrei eru greiddar bætur vegna sama tryggingaratburðar úr líftryggingu og afnotamissistryggingu.

## 4. Aldurstakmörk

- 4.1 Við upphaf tryggingarinnar skal kötturinn ekki vera yngri en 8 vikna eða eldri en 5 ára.
- 4.2 Við endurnýjun á því almanaksári sem kötturinn nær 7 ára aldri lækkar fjárhæð bóta um 20%, og síðan um 20% af eftirstöðvum fjárhæðinnar hverju sinni við endurnýjun eftir það. Tryggingin fellur síðan niður og endurnýjast ekki þegar kötturinn hefur náð 10 ára aldri.

## IV. Afnotamissistrygging

### 1. Hvað bætir tryggingin?

- 1.1 VÍS greiðir bætur ef:
- a) Ræktunarköttur hefur tapað frjósemi vegna sjúkdóms í legi, eggjastokkum, blöðruhálskirtli eða eistum.
  - b) Læða verður ekki kettlingafull eftir mökun við tvo högna sem báðir eru frjósamir og hafa þegar getið af sér kettlinga. Rannsaka skal læðuna til að útiloka að um skammvinn, tilfallandi sjúkdómsástand sé að ræða.
  - c) Bætur samkvæmt gr. 1.1.2 og 1.2.2 vegna kattar sem ekki er hægt að nota í ræktun eru ekki greiddar út fyrir en váttryggingartaki hefur látið gelda köttinn.
- 1.1 VÍS greiðir ekki bætur vegna:
- a) Sjúkdóms eða slyss sem áttu sér upphaf fyrir þann tíma sem tryggingin tók gildi, hvort sem greining hafði átt sér stað eða ekki. Ákvörðun um upphaf sjúkdóms eða meiðsla grundvallast á álit dýralæknis. VÍS áskilur sér rétt til að leita sérfræðiálits dýralæknis.
  - b) Læðu sem hefur þrisvar átt kettlinga.
  - c) Læðu sem hefur náð sex ára aldri og hefur aldrei eignast kettlinga né heldur högna sem hefur náð sex ára aldri og hefur ekki getið af sér kettlinga.
  - d) Utanálíggjandi galla, naflakviðslits (umbilical hernia), launeista (cryptorchidism) eða hnykks í skotti (crooked tail).
  - e) Galla í tönnum eða biti.
  - f) Geðsjúkdóms, atferlisbrests eða skapgerðargalla.
  - g) Arfgengs fjölblöðrunýra (autosomal dominant Polycystic Kidney Disease, PKD) hjá persneskum og exotic köttum nema foreldrar hafi sannanlega verið lausir við PKD.

Athugaðu að fjárhæð bóta sem fram kemur á skírteini eða endurnýjunarkvittun er sú tryggingarfjárhæð sem þú hefur valið í samráði við VÍS. Fjárhæðin á að endurspeglar raunverulegt markaðsvirði kattarins.

Eftir 7 ára aldur kattarins lækkar fjárhæð á skírteini/endurnýjunarkvittun vegna þess að markaðsvirði kattarins lækkar með hækkandi aldri.

Tryggingin er fyrir ketti sem eru notaðir eða munu verða notaðir í kynbótaræktun. Eingöngu er hægt að kaupa trygginguna sem viðbót við líftryggingu.



- h) Aukakvilla sjúkdóms og slyss sem ekki eru bótaskyld úr tryggingunni, né heldur aukakvilla vegna meðferðar á þeim.

## 2. Hversu mikið er greitt úr tryggingunni?

- 2.1 Fjárhæð bóta sem valin er vegna kattarins skal vera jafnhá markaðsvirði hans og er ákveðin með hliðsjón af kaupverði og viðurkenndum verðleikum. Hámarksfjárhæð bóta kemur fram á skírteini og endurnýjunarkvittun.
- 2.2 Fjárhæð bóta er ekki sönnun fyrir verðmæti kattarins.

## 3. Ákvörðun bóta

- 3.1 Bætur skulu miðaðar við markaðsvirði kattarins á tjónsdegi, en geta þó aldrei orðið hærrí en sú fjárhæð bóta sem fram kemur á skírteini eða endurnýjunarkvittun.
- 3.2 Aldrei eru greiddar bætur vegna sama tryggingarburðar úr líftryggingu og afnotamissistryggingu.

## 4. Aldurstakmörk

- 4.1 Við upphaf tryggingarinnar skal kötturinn ekki vera yngri en 8 vikna eða eldri en 5 ára.
- 4.2 Við endurnýjun á því almanaksári sem kötturinn nær 7 ára aldri lækkar fjárhæð bóta um 20%, og síðan um 20% af eftirstöðvum fjárhæðinnar hverju sinni við endurnýjun eftir það. Tryggingin fellur síðan niður og endurnýjast ekki þegar kötturinn hefur náð 10 ára aldri.

## V. Umönnunartrygging

### 1. Hvað bætir tryggingin?

- 1.1 VÍS greiðir kostnað vegna:
- Vistunar og gæslu kattarins á dýrahótelu eða sambærilegri stofnun, ef tryggingartaki eða annar fjölskyldumeðlimur með sama lögheimili og býr á sama stað slasast svo alvarlega eða veikist, að ekki er hægt að veita kettinum þá umönnun sem hann þarfnast.
- 1.2 VÍS greiðir ekki kostnað vegna:
- Sjúkdóms eða meiðsla sem áttu sér upphaf áður en tryggingin var tekin.
  - Viðvarandi sjúkdómsástands einhvers í fjölskyldunni.
  - Meðgöngu, barnsfæðingar eða tengdra atvika.
  - Veikinda sem rekja má til misnotkunar áfengis, lyfja, eða áverka sem viðkomandi veldur sjálfum sér.
  - Ofnæmis fjölskyldumeðlima fyrir kettinum.

### 2. Hversu mikið er greitt úr tryggingunni?

- 2.1 Hámarksfjárhæð bóta kemur fram á tryggingarskírteini og endurnýjunarkvittun.
- 2.2 Fjárhæð bóta breytist samkvæmt vísitölu neysluverðs.

### 3. Bótatími

- 3.1 Bótatími getur ekki orðið lengri en 60 dagar á hverju tryggingartímabili.

### 4. Bótakrafa

- 4.1 Bótakröfu vegna umönnunar skal fylgja læknisvottorð um tímabil og veikindi þess einstaklings í fjölskyldunni sem er þess valdandi að ekki er hægt að halda kettinum á heimilinu.
- 4.2 Enn fremur þarf tryggingartaki að skýra frá ástæðum þess að ekki var hægt að sjá kettinum fyrir umönnun á heimilinu. Skila þarf inn frumriti af reikningi dýrahótelsins.

## VI. Ábyrgðartrygging

### 1. Ábyrgðartími

- 1.1 Tryggingin tekur til atburðar sem verður á tryggingartímabilinu.
- 1.2 Komi afleiðingar atviks sem tjón hefur hlotist af og gerst hefur á tryggingartímabilinu ekki í ljós fyrir en tryggingin er fallin úr gildi greiðir VÍS samt sem áður bætur.
- 1.3 VÍS greiðir ekki bætur fyrir tjón vegna atviks sem varð áður en tryggingartímabilið hófst, enda þótt tjónið komi ekki í ljós fyrir en á tryggingartímabilinu.

### 2. Hvað bætir tryggingin?

Athugaðu að fjárhæð bóta sem fram kemur á skírteini eða endurnýjunarkvittun er sú tryggingarfjárhæð sem þú hefur valið í samráði við VÍS. Fjárhæðin á að endurspegla raunverulegt markaðsvirði kattarins.

Greiddar eru bætur úr umönnunartryggingu vegna vistunar og gæslu kattar á dýrahótelu ef þú eða annar fjölskyldumeðlimur slasast eða veikist alvarlega.

Tryggingin bætir tjón sem kötturinn veldur þriðja aðila.

Með hugtakinu „þriðji aðili“ er hér átt við aðila sem er ekki tryggður undir þessari tryggingu. Dæmi um tjón þriðja aðila er ef kötturinn veldur t.d. nágretta tjóni á eignum hans. Í því samhengi er nágrenninn „þriðji aðili“.



- 2.1 Tryggingin bætir:
- Beint líkams- eða munatjón þriðja manns vegna skaðabótaábyrgðar hins tryggða sem fellur á hann sem eiganda kattar samkvæmt íslenskum lögum. Með munum er átt við fasteign og lausafé, þ.m.t. dýr. Tryggingin bætir tjón að því leyti sem tjónþoli á ekki að bera tjónið sjálfur vegna meðsakur eða meðábyrgðar.
- 2.2 Tryggingin bætir ekki:
- Tjón innan samninga, þ.e. tjón sem tryggður ber ábyrgð á vegna vanefnda á samningi.
  - Tjón sem fjölskylda hins tryggða verður fyrir. Til fjölskyldu teljast maki (sambúðarmaki) tryggðs, börn og annað skyldulið, enda eiga þessir aðilar sameiginlegt lögheimili.
  - Ofangreint ákvæði á einnig við um umsjónaraðila kattarins hverju sinni.
  - Tjón á munum sem hinn tryggði eða aðilar samkvæmt gr. 2.2.2 hafa til afnota, til geymslu, eða eru af öðrum orsökum í þeirra vörslu.
  - Tjón sem stafar af eldsvoða, vatni vegna slökkvistarfs, reykt, sóti eða sprengingu.
  - Tjón sem rekja má til þess að ekki er farið eftir lögum og reglum sem við eiga um viðkomandi dýrahald.
  - Kaup, dagpeninga eða aðrar greiðslur, sem hinum tryggða ber samkvæmt lögum eða samningi að greiða manni sem orðið hefur fyrir slysi.
  - Sektir, málskostnað eða önnur útgjöld í sambandi við refsímál.
  - Tjón sem rekja má til þess að kettinum verði á mistök við starfa sinn.

Samkvæmt íslenskum lögum bera menn skaðabótaábyrgð á tjóni sem þeir valda öðrum með saknæmum og ólögætum hætti. Þessi regla er nefnd sakarregla og er grundvallarregla í íslenskum rétti. Ef sá sem sóttur er til greiðslu skaðabóta á ekki sök á tjóninu ber hann almennt ekki skaðabótaábyrgð.

Hlutverk ábyrgðartryggingar er að greiða skaðabætur fyrir hinn tryggða ef hann hefur bakað sér skaðabótaábyrgð, að því leyti sem tjónþoli á ekki að bera tjón sitt sjálfur vegna meðsakur eða meðábyrgðar, sem og að greiða kostnað sem tryggði verður fyrir ef skaðabótakrafa er gerð á hendur honum.

### 3. Hversu mikið er greitt úr tryggingunni?

- 3.1 Ábyrgð VÍS vegna hvers einstaks tryggingaratburðar takmarkast við fjárhæð bóta sem tilgreind er í skírteini eða endurnýjunarkvittun. Verði fleiri en eitt tjónsatvik af sömu orsök teljast þau vera af völdum eins tryggingaratburðar.
- 3.2 Kostnaður sem til er stofnað með samþykki VÍS til þess að skera úr um bótaskyldu hins tryggða og vextir af bótafjárhæð greiðast, enda þótt greiðsla VÍS fari af þeim sökum fram úr fjárhæð bóta.
- 3.3 Sé fjárhæð bóta samkvæmt skírteini eða endurnýjunarkvittun lægri en höfuðstóll bótafjárhæðar greiðist aðeins sá hluti kostnaðar og vaxta er svarar til bótafjárhæðar þeirrar sem félaginu ber að greiða.
- 3.4 Fjárhæð bóta breytist samkvæmt vísitölu neysluverðs.

### 4. Eigin áhætta

- 4.1 Af hverju tjóni ber tryggingartaki eigin áhættu sem tiltekin er í skírteini eða endurnýjunarkvittun.
- 4.2 Nái höfuðstóll bótakröfu ekki lágmarki eigin áhættu greiðir VÍS ekki heldur kostnað þótt krafan og kostnaðurinn verði samanlagt hærri en fjárhæð eigin áhættu.
- 4.3 Fjárhæð eigin áhættu breytist samkvæmt vísitölu neysluverðs.

### 5. Ákvörðun bóta fyrir líkamstjón

- 5.1 Tryggingin greiðir bætur fyrir líkamstjón þriðja manns á grundvelli skaðabótalaga nr. 50/1993.

### 6. Ákvörðun bóta fyrir munatjón

- 6.1 Bætur skulu miðaðar við verðmæti á tjónsdegi.
- 6.2 VÍS getur annað hvort greitt áætlaðan viðgerðarkostnað eða látið gera við það sem skemmdist og greitt viðgerðarkostnað, ef unnt er að gera við það sem skemmdist þannig að það verði í svipuðu ástandi og fyrir tjón og það borgar sig að mati VÍS.
- 6.3 VÍS getur greitt bætur í peningum eða útvegað sambærilegan hlut og varð fyrir tjóninu, ef ekki er unnt að gera við það sem skemmdist eða það borgar sig ekki að mati félagsins. Hafi VÍS greitt bætur samkvæmt þessari grein áskilur það sér rétt til að gera tilkall til þess sem skemmdist.
- 6.4 VÍS hefur rétt til að greiða mismun á verðmæti þess sem skemmdist eins og það var fyrir tryggingaratburð og verðmæti eftir tryggingaratburð.
- 6.5 Hinn tryggði skal ekki hagnast á tryggingaratburði. Tryggingin skal einungis bæta raunverulegt tjón hins tryggða.

### 7. Staða tjónþola við tjón

- 7.1 Ef trygging tekur til tjóns hins tryggða vegna skaðabótaábyrgðar sem hann ber getur



tjónþoli krafist bóta beint frá VÍS. VÍS og hinum tryggðu er skylt að upplýsa tjónþola um ábyrgðartryggingu sé hún fyrir hendi.

- 7.2 Ef fram kemur krafa um bætur á hendur VÍS skal tilkynna það hinum tryggða án ástæðulauss dráttar og veita honum upplýsingar um meðferð kröfunnar. Viðurkenning VÍS á atriðum sem lúta að ábyrgð er ekki bindandi fyrir hinn tryggða.
- 7.3 Nú tilkynnir tjónþoli VÍS að hann hyggist höfða mál á hendur félaginu og getur það þá krafist þess að hann beini málshöfðuninni einnig gegn hinum tryggða. Skal VÍS tilkynna tjónþola um þá kröfu sína án ástæðulausrar tafar og á sannanlegan hátt.
- 7.4 Um stöðu tjónþola að öðru leyti vísast til 44. gr. laga um váttryggingarsamninga nr. 30/2004.

## 8. Meðferð bóta krafna

- 8.1 Hinn tryggði má ekki viðurkenna bótaskyldu sína eða gera samninga um bætur án samþykkis VÍS.
- 8.2 VÍS kemur fram fyrir hönd hinna tryggðu og ræður málsmeðferð allri og annast málsmeðferð fyrir dómstólum ef á reynir. Sama gildir um kröfur um laun fyrir björgun eða aðstoð.

**Það sem fram kemur á hægri spássíu er eingöngu til leiðbeiningar fyrir viðskiptavini en er ekki hluti af texta skilmálans og ekki ætlað til túlkunar einstakra greina hans.**